

UNOCA y Rebecca Roos cu estreno di capitulo 10 di e serie di: Tesoro Arubano

STA. CRUZ-- U.N.O.C.A. y Rebecca Roos Productions N.V. orguyosamente ta anuncia e estreno di capitulo 10 di e serie di documentario TESORO ARUBANO, Arqueologia: E Continuidad Indigena Diabierna, dia 9 di December 2005 lo estrena e documentario pa 8:30 PM na ATV.

Den e documentario, produci y dirigi pa Rebecca Roos, e arqueologo Raymundo Dijkhoff y e geologo Arminda Ruiz ta hiba nos bek den pre-historia di Aruba. Nan ta splica e significacion

di e artefactonan haya riba nos isla, cu ta duna nos mas conocimiento di e hendenan cu tabata biba aki na Aruba for di por lo menos 5 mil aña pasa.

Pa yuda conta e storia, pinturanan crea pa e conocido artista, Nigel Matthew, ta muestra con e hendenan aki mester a biba y con nan apariencia tabata. Dr. Wever, cu a haci hopi investigacion sangiño y di DNA, ta splica con e herencia di e Indiannan no ta unicamente den e artefacto y dibuhonan riba baranca cu nos ta haya rond di nos isla, pero tambe

den nos mes. Mas di 80% di e serie di documentario Tesoro Arubano, ta financia pa U.N.O.C.A.

Alrededor di 10% di e finanzas a bini di Prins Bernhard Cultuurfonds Nederlandse Antillen en Aruba.

Diabierna 9 di december, despues di Noticia Awe Nochi pa 8:30 di anochi, "Arqueologia: E continuidad Indigena" lo ser estrena na ATV. Pa esnan cu no ta tin e oportunidad pa mira esaki diabierna, lo tin un repiticion diamars, dia 13 di December pa 6 'or di atardi na e mesun canal.

